

Bosna i Hercegovina
Federacija Bosne i Hercegovine

KANTON SARAJEVO
Kantonalna uprava civilne zaštite
Operativni centar



Босна и Херцеговина
Федерација Босне и Херцеговине

КАНТОН САРАЈЕВО
Кантонална управа цивилне заштите
Оперативни центар

Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-126/19
Sarajevo, 09.09.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ

za period od 07:00 sati 06.09.2019. do 07:00 sati 09.09.2019. godine

Dana 07.09.2019.godine u 14:17 sati, prilikom izvođenja građevinskih radova na gradilištu „Bingo“ centra, na lokaciji bivše fabrike za proizvodnju žice na Alipašinom Polju, Općina Novi Grad Sarajevo, pronađena je avio bomba iz II svjetskog rata težine 500 kg. Po saznanju o pronalasku avio bombe na lice mjesta su izašli, direktor Kantonalne uprave civilne zaštite Kantona Sarajevo sa svojim pomoćnicima, i pripadnici Federalne uprave civilne zaštite. Tim za uklanjanje UES-a iz Federalne uprave civilne zaštite je oko 18:30 sati, uspio deaktivirati bombu (odnosno ukloniti upaljač), tako da je nije bilo potrebe za evakuacijom stanovništvo na području pronalaska avio bombe. Pripadnici Tima za uklanjanje UES-a iz Federalne uprave civilne zaštite po propisanim procedurama su navedenu avio bombu u 20:45 sati, transportovali na lokaciju za uništavanje gdje će u narednom periodu biti uništena.



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1

U izvještajnom periodu Kantonalni operativni centar civilne zaštite Kantona Sarajevo primio je informaciju o pronalasku NUS-a dana 08.09.2019.godine u 11:50 sati od strane PS Hadžići da se u ulici Bjelašnička do broja 120 (naselje Pazarić) nalazi nepoznato neeksplozivno ubojno sredstvo.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeni NUS-a preuzeti u narednom periodu.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) u proteklom izvještajnom periodu imali su 15 intervencija.

Veća intervencija je bila dana 08.09.2019. godine, u 03:36 sati, došlo je do požara na štali u ulici Vihrica br.5 (općina Hadžići). U intervenciji je učestvovalo devet vatrogasaca sa tri vatrogasna vozila. Požar je lokalizovan u 04:25 sati, povrijeđenih lica nije bilo.

Ostale intervencije bile su manjeg inteziteta i to: dvije na gašenju zapaljenih kontejnera sa smećem, šest obezbeđenja (tri na obezbeđenju sportskog događaja i tri na obezbeđenju javnih skupova), jedna tehnička (otvaranje zaglavljanih vrata), jednu na gašenju zapaljenih drva, jednu na gašenju zapaljenog automobila, jedna na spaljivanju dimnjaka i dvije na spiranju platforme na Međunarodnom aerodromu Sarajevo.

Napomena: U protekla 24 sata Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) imali su četiri manjih intervencije i to: tri obezbeđenja javnih skupova i jednu intervenciju na spaljivanju dimnjaka.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 18°C, vlažnost zraka 63%, barometarski pritisak 938,9 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.



Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- Televizija Kantona Sarajevo
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1